

游

藝

塾

文

規

游藝塾友規卷之三

起講

起講要容忌逼切要冠冕忌猥瑣要切題又忌太清過從濶入
深由虛而實句句要是起語方為本色

對起戒俳散起戒嫩語對而意常連屬詞散而格甚整嚴斯合式
矣

長題有括通章大旨作起者須如副末開場畧說幾句戲文大意
不可十分道盡短題有摘緊要字眼作起者須如老隸前引震聲
一喝行人辟易乃佳

用句用字俱要古雅精新令人讀去開口便覺不凡如畏聖人之

言許獬云

上生千百世之後而希幾千百世之前非言無由尋無

一字不練無一字不雅曰言曰畏曰聖人括盡題旨穆穆文王

御顧起元云

至善者人心明德之體也蔽于私則極以意移澄于

誦詩而得文

下之止焉字字精新令人觸目

起請要自發一段議論寂寞處要尋音響淺淡處要至神奇如畏

聖人之言蕭丁泰云

吾人心學也而或從有聲入無聲則以無畏儼有

畏則致往心學在戰兢中便有議論從有聲入無聲用意尤精穆

穆文王一節李之藻云

人之一身衆善咸屬就衆善而一一求所

聖人心法也萬善咸脩是一意就萬善不若秉一敬又是一意心

法又是一意又如胡來朝云

學者敬至善之域靡不取衷聖人

矣聖人純其所為心斯能嶺其所為

止彼乾乾然二句是用意處無此二句便斬焉無
為迫者猶二之也
味矣徐良彥云所也做者止法也而解止皆其所通者也
一隅不可為止允通之群動乃見其止此是獨得之見又如李元
調云以不聞于止之後于是止善甚不易而談止者不
于聖不迷不聞于本題不甚切而語意鏗鏘便柰咀嚙
畏聖人之言鄭以偉云千聖脈脈相傳之意惟此不偏之心此
無以俾明訓所不能操也從心說到言而以心無忌憚立說不獨
意警蕪亦詞新周士顯云亦收聞見攝其乘自顯攝微君子三畏
有無之從不見不聞說到見聞是其用意搜奇處周師旦云人
非是者從不見不聞說到見聞是其用意搜奇處周師旦云人
之精明不昧而緣以入聖之幾也預聖緣畏入在此心默契聖真
即此心之精明默契聖真而後得其常惺之体焉此心默契聖真

亦見用意處

將德之行四句王衡云

夫天下非必遠入之道始為難也苟實求

即易而

成難者即易而難便有意思劉是云

論易行以矯世而已即此平

夷之中政自有難合之則彼惟無從勞故跳

就平易見難合與王

意頗同而無從置力一段最醒人目周士顯云

君子中庸也止于

道無有餘不足之分而寓諸庸人道無有餘不足人則有之此是

大謬論莊毓慶云

天下何異力焉道無有餘不足人則有之此是

難合為道者調之性則

借奇說庸說皆懇到

是心足以王矣許

猶云自昔稱為天下者為之堂上非堂上之足以為天下也心不

下之心乎王天凡會元文字只平說去而道理自微不類小家用

得用意須奇特也堂上二字原是本文就此翻案遂成絕調商國
宰云似天下之大也語王以累民而王出且有致矣豈知忽然萌
人重之中適令其心休而無心林陽之見有忽動其王机者
蘇軾耳不句亦渾雅意甚清徹吳亮云動處原本于心故發然而談
而際王者百相歸而不足根心語意錚錚鏗然入耳尹遂祈云在者
一世獨有心耳心者寡則剝後之靈机亦王道之端也心無盈虧自是
實理剝後靈机亦是實且造語俱奇豁醒塵目在毓慶云忱在大
機在本原之地真不真耳均此不忍在世而世端在
心而心端就此一真邪六合則普徧萌方寸則光明世滿心滿
從來不經人道從空拈出曜然可現

起講有此格極稀隆慶戊辰許應達誨女知之乎一節墨卷同此
武茂戌穆穆文王一節陳圭云何人也是一心耳而更有所謂至善者

矣是即心之執揚

一問一答自相呼應而題意了然我不欲人一

抑陳圭云

學若習聞萬物一體之說則人已詞新而古意透而精

何太謙云

其心不可不誣之我我以為衡而心無不貫矣照我而并化其

我此從華嚴大鈔來首云心証之我收云因心為衡皆獨創之語

李元調云

求適于我之念隨有我不盡適于人之念下句用意何

等奇特龔三益云

我務忘之克者特境也忘者化境也克即化

階而適語于

創人所未嘗有之談開人所不敢開之口畢懋康云

化則非矣

夫人苟能見境所至即至于仁人之化境何不及焉然以虛實互

而見及之者

虛也請及之者實也虛實之不相及久矣以虛實互

論便有意見

以上皆魁作也若顧起元起講則云人已之念終存

而未化大率元之口氣不過如此不去鐵研

小亦不去意外爭奇只以大雅勝人耳

且夫枉尺一節曹徵庸云世之計得失而不辨是非者皆曰吾當

至此无失之中其揣摩利害極微極工徐良彥云人為其誘既為其

究其不至大失者以誘字愚字立說便能動人黃克謙云貞

斯其不冠之干愚也即操抗之靡極而嘗欲窮極卑之無旁顧節之振人也甚抗靡極

離利之溺人也最捷自非極力隄防將有不可勝言者抗靡極

早無窮皆不經人道語而抑揚闔關出驟可觀韓國藩云就義與

利而辨之莫若就利與不利而振之蓋義利之閒雖破而可耳莫若

一轉甚得孟子本意而難破易知之說尤為明徹溫體仁云貪夫

之念與烈士徇道之念其心各无厭也故有斤斤自守終凡作起

講最要入題撒脫用非招不往二句方叫得且夫二字醒入題方

便捷

乙未仁者其言也認全湯賓尹云為仁者為之心而巳心之存亡

有故言而得筆力遒勁且句句是題中正脉開口二句說盡題意

下三句從心說到言上無絲毫走作大率會元起講多從正龍正

脉落到穴中並無躲閃歆側前此而壬辰知及之全吳默起講云

學者不忠識見之未融而患體驗之未至善體識見詭知及體驗

說仁守出身說莊加民說禮無一毫滲漏丙戌名之必一節袁宗

道云君人者自謂各由我定將無顧天下之議其後而言之弗矣

未吾之于人全李廷機云君子所以難持天下之人必者獨有是

亦未嘗以天下之心撫之也立也竊自諒焉

庚辰如有王者一節蕭良有云世之論治也靡不稱王者矣而不

而其所以致此者皆句句切題並不走作此會元家數也論者

多疑戊辰會試田一儁由誨女知之一節甲戌孫鑑學如不及二

句小講以為庸淺然田云君子之孝莫先于致知而孫云人之為

為也哉未其又皆從正龍正脉說下何嘗有一字不切題是故作

文者寧質無華寧平無偽

元作專貴切題自題以下要精采動人須說人所不說的道理方

能醒自如乙未李中玄首題云仁者非必有言亦非必無言要以

之口而觸處可以見本來者則所為攝符者要也

唐禧云仁人之心也心無可操之而此題正要無言而李則云非

必無信正要操之使斂而唐則云無可操之而使斂所謂反信似

正也課廬無而責有扣寂寞而求音從古作文之法如此

起講是入門第一步此處能動人則閱者便知珍重矣如蔡復

云仁道大矣其條宗在心而言從出為故又如孫慎行云

修言此心者非以言操心也而常以言難夫惟以當事張迎云

之心為謀事之心斯修詞常密而聯度不乘矣

靜也言為心聲其動搖也動焉胡汝政云豈無仁德日清人雁其朴士

下事而仁者起于易視也天林機云非蕩而靡檢之心太上渾而化之

其次操而劉元珍云于人心源而明饒于擬議者此正養德之士所

存之耳

徒過其防而匪王庭鳳云語相宣洩江起鵬云吾人有座跡即有

真宰性不失其所為真宰者而浚其應皆洪都云多分言行為

真此善論仁者不得波心與言而二之也

二故言則顯而求之詞默則強錢中選云持即仁體著現顯顯

而防之口斯其翕張俱在外也

不內疑即外洩為徐如珂云論仁者要歸一心而止心有疑則
仁者保其心是矣徐如珂云本體有宣洩之真机惟宣洩者不
平凝聚者而後一即同一題目而各有立意皆爛然可觀泰得此
之仁可見全休焉

透則登第如拾芥矣

小講是一篇之首其起頭一二句又是小講之首尤不宜草草如
賴克俊云自談仁者歸重本原而云云只此一句便有識見便能
動人黃志清云仁精心而非浮氣亦只此一句便覺入理李光祖
云人心以內欲而只此二句卓然不羣饒景暉云言語之李厚土
實以外洩而浮只此二句卓然不羣饒景暉云言語之李厚土
根心獨一煌云吾人微身心貫言謝廷諒云仁中必故忌外開口
讀去便覺不凡不待觀其全篇而玉石已分矣

國有道不變三句湯賓尹云

夫人之最難持者寧獨習俗之異同

而一顯一晦之交皆是的确議

論駱日升云天下有境變有心變境變者身世窮通之迹心變者天理斷續之関句句出奇真是魁

作今後學之者只當師其意不可襲其詞襲則腐而可厭矣所謂

謝朝華于已披啓夕秀于未振也第二名賴克俊起磊磊有古氣

但操之二句似贅第四名周應明起句甚有理但不該又對二句

搃是一意而排衍重復文之大忌今稍更之云君子之淑世其發

者之為真故當恒居時類能固穷守拙一旦連時貴劉覲文云真

如制心顧心制之于死欲之境易制之于可欲之境難士有生平

持節較然而卒敗檢于逢世者強不足以致遇而患生于多欲也

周應秋云生平者此時溺之而盡壞其生平者亦此時葉維榮

云士人所應不在不遇時而在變于時蓋特出則隱約之意多而

飲華就實見以為舉時伸則朴素之裏易而利方成國見以機

通鑑尚質云則塞為卒樹其惟是通塞兩途其塞也李長庚云所
以一即表見惟試之強不依自止之際而真孫慎行云國之貴
可謂之強無以自見之時而不易則其強乃真李者之用世
以我振世不世也豈其抱空虛為名高惟朱之藩云即以之觀持
焉波靡于諸俗者其操固盡陳而俞惟京云明時之所重士與
矜是家術而廷獻耳一易人而農淡殊遭則其修泰易開一身周
惟是昔異德則其絲華易而廢廉人乎多弱植而鮮特操矣周
而云世運之相推其變在天下紛華之易蕩其變在吾林應翔云
京云心在天者猶一而力持在吾心者非火勇莫制也吾林應翔云
旁通有兩途君子抱一而處之故屢變者遇陸彥貞云治平陸遇
不變者心雖與世相移而其操條素定也林機云君一而無他心
此大君子見強之日也而塞者微焉林機云君一而無他心
匡時必先勵已吾日不變塞者微焉林機云君一而無他心
之塞耳是塞乃靈明之真休胡璣云世道由塞而之通則聲華易
通顯晦不勝者而豈易言哉胡璣云世道由塞而之通則聲華易
乃濟此其失之不在寒素而在劉尚朴云士君子未遇則先抱負
貞夫文亦函于有道在寒素而在劉尚朴云士君子未遇則先抱負

遇之途不狃能改易人之洪都云不歷順境亦無緣見節故乘時
身亦能變易人之心也樊玉衡云家脩廷懷之士世罔不惜之
綸而尤貴堅持其雅操也費兆元云君子之未遇也其意氣鬱積而
原非實能修之心也塞時耶是塞也固君子所恃以觀強者朱應奎云
塞時而亦天下所操以觀強者朱應奎云塞時不決塞道不決變生
真心未改道喪其塞則初徐如珂云強者自勝其私之謂也人心
心必失而施設俱非矣錢中選云士人扶植宇宙必值
生于紛華盛麗者什九故仕進最錢中選云士人扶植宇宙必值
能移人惟其不自勝也非強也輒改其常度於以上諸講有重塞
見平居知如修一旦勢利薰心輒改其常度於以上諸講有重塞
是謂岩穴多奇行當官鮮特操也非通論矣以上諸講有重塞
字講者有重變字講者有重有道講者有重強字講者千蹊萬徑
各自有條而詞氣鏗鏘意見精邃皆能見重主司汝盡舉而熟玩
之則下筆沛然無碍矣

好善優于天下湯賓尹云君子之為世用也有所用于天下而不出已也世豈無強智多聞之士卓然各挾其一大焉者矣無濟調與意俱出于治者執乃吾所語好善則其效莫有大焉者矣
人一箕駱日升云之優之在一人者也執政者以肅慎治為能
與之優之在亦自楚之真魁作也蔡復一云為政者以肅慎治為能
天下者已出而已為之量才為人役已出而已為之量為才府我立而人李光祖云不若
歸之故古之相天下者必其容乎天下者必其容乎天下者立而人李光祖云不若
寸而能包六合弘化理者其惟善乎天下者立而人李光祖云天下者立而人李光祖云不若
一身好之以自廣則易天下是以為政者先其多則難林欲棟云天下者立而人李光祖云
有一官之用有天下之用論其量包天下論其能張嗣誠云天下者立而人李光祖云
效一官者也天下之用論其量包天下論其能張嗣誠云天下者立而人李光祖云
則不足用人則足蓋自用者以才智役人有周應秋云天下者立而人李光祖云
旁之術也用人者以誠心布公無方之益也周應秋云天下者立而人李光祖云
不以才為才長于辦一事短于制萬有以才為才者諸起用意天下者立而人李光祖云
也自計則不足為天下計則有餘以才為才者諸起用意天下者立而人李光祖云
皆同而各自馳騁各成議論如春蠶作繭同一絲緒而見物各自

成形張汝霖云相天下者不恃已之善蓋天下也而恃天下之人
至明沈道原云為政者有其長不如能自下無其句一皆是格言王惟儉
云卑相與人主共理天下者也人主不能成獨用之功劉元珍云
世之柄政者相臣相臣亦不能健自用之歎而資之多士則不足燕
收之則有餘興以已用天下者不若以天下用天下之為大也
諸起各自立意皆斐然動人

壬辰知及之全自會元外小講無甚佳者高克正云君子之孝合

也非外吾身以為天下也故脩之身其德乃意高詞古厲昌謨云

真修之天下其德乃全甚不可分為兩途也

吾儒之孝不徒涵養以心而治身而治說心之實際有理

世則心之實際在焉提之仁所貫也

憲章文武會元小講一氣說下又是一格陳懿典初刻云上有聖

天下而左法下有素王則後天下而守法立法者制不謂喻守法

者道不能周后判云先王制法後人守之然制既遠而易誣守固

習而成玩其中非有大聖人為之修明固不能無陵夷衰微也

後改勝前

舍已從人二句范應賓云

天下之善舍之則大分之則小執形骸

能取而辭之善議論頗微揚廷筠云既以無聖愚皆作一善而分故

也善取人之有以益已意見亦能動人汪鳴盛云人泥于已分

未分之人觀于此係舊語項德禎執其兩端二句曾用之云天以一

中分萬善愚者判于已分之後聖者執于未分之先雖是陳言著

題則不妨相襲也

已丑畜馬乘一節會元純矣蓋其昌云國之君孫平治之權豈無利

貨財聚散之關者此非惟不仁也說到不利題意始完朱鳳翔云

亦不義也非惟不義也亦不利也

人主不諱理財之事此处的確議論周家棟云良臣不操奇贏以
而無以無惟聚財之心此处的確議論周家棟云良臣不操奇贏以
傷主為無大議論而詞氣鏗鏘筆力不弱

出門如見大賓四句陶望齡云人惟一念不可令一日不在我
天下相操持而以我心此起字字用意神光陸離劉曰寧云吾心

與天下相操持而以我心此起字字用意神光陸離劉曰寧云吾心
其用則萬物咸備焦竑云人之為仁非於心有所益此皆見理之

其用則萬物咸備焦竑云人之為仁非於心有所益此皆見理之
言

言

聖人之行不同二鄧陶望齡云世俗自好之士猶然能以一節表
焉則以論繁身于聖人難知也論繁身二句極中窾劉曰寧云士君子

知論繁身于聖人難知也論繁身二句極中窾劉曰寧云士君子
以聖人為度順聖人自信以心而天殊有姿態周兆聖云聖人之

下之信聖人亦惟心迹非仍拘也殊有姿態周兆聖云聖人之
必先論於身故不局于一定之途亦不持于兩意高而詞古

必先論於身故不局于一定之途亦不持于兩意高而詞古
其變化不膠連止有際為足述焉

丙戌執其兩端二句羅大紘云

天之降衷于民何憐聖人故應夫

之所不棄也此

句句着力薛三才云

聖人之智固未嘗自恃其德

其善所以成其大也而

亦自大雅小講有從前說來而議論出于

題目之外者如癸未吾之于人全俞士章云

太古之世有操行而

起乎不歸已而有是非邪

本文只說三代渠却說太古是超前起

法有浚浚說來而竟反題以起者如嚴貞慶此題云

古之待民也

民也常私自私心起直道微而毀者譽者爭以

題說三代直道渠

說今日常私分明與題相反此是浚後說起而其妙處全在古一

民也二句喚得通章大旨醒

修身則道立一節此題小講最難說到效驗全無佳思李廷機云

九經之事可以為天下國家法程至明也而卒莫如此說方見效
之竹者謂其曰行之而未必效耶臣試以效言之如此說方見效
之當陳景得夫子口氣陳良軸云有天下國家之責者最不可有
隨焉與願治說當自考尤有識見

小講貴直截倘題有微意亦貴曲折以諫之如孔子有見行可三

句鄒德溥云聖人之為天下甚殷而其待天下甚恕故嘗委曲以

于道若孔何等曲折蓋婉而有法者也孟養浩云聖人為道之心

所托疑於非道而為道之此覺簡直而意亦甚明

庚辰如有王者一節李同芳重仁字故云人君以一人撫天下必

甚殷而圖治通天下為一身句說仁字曾維綸重王字故云聖神

則甚速也世也能通一天下之謂王能化成天下磊磊有古氣魏允中王與

之謂王其道甚大而其為仁甚速也

仁並重故云

其天為天下而生王者則王必合天下而為沈

重必世字故云

其人君將計萬世之治而不能操無窮之心則其化

有近功乎歟錢槓起云

我周自文武以來代非一王數更幾世故最

尊周本旨必如此說然後此題可出

丁酉順天古之學者為已謝廷讚云

論學者貴無我矣不知以我

內飲則我為真性然不可不

言言入理舜之居深山一節徐光啓

云心與心合善與善同隨之天下本無間隔者也自知識之用起

笑謝廷讚云以內明洞徹本人心自有一之真願精以外洩而清神邵

士斗云人生之善與之不能感神于應者嘗畜而常為通我現真

笑皆有理趣

應天居敬而行簡一節顧起元云

不擾天下者不擾天下者也而

下者也蓋清夷之治類于因循休息精新雅練便可作元碩大章

之風讓于幾一臨民者宜有辨焉愚民無如省事省瞿汝說云天下

云帝王之治誰不先便民哉顧便民無如省事省瞿汝說云天下

主之所操也而人主亦藉天下以自擇故清淨無為之何南金云

說恭己者得之而治息荒者得之而亂未可盡任也

世有萬事而無兩心有萬慮而無兩居則商固未易言耳

之務哉而長人者先自無然至一之居則商固未易言耳

仲雍云君人者易于撫一世而難于操一心李蔚云圖治者靡不

精神紛出之則其政亦紛守之則其政亦約如慕其約而皆有

意見皆為利器

言而民莫不信此等題目本粗最難發理顧起元云

下之半人主亦以心預言出于聖心則為心吳應試云

精而入于民心則為心應蓋可窺聖德焉

即世不

盡廢而措其感乎之神有不在
范鳳翼云人主無不洩之意則大
凡言之治而在未言之先者
吾君口者一人而傾耳者千萬人
言者口者一人而傾耳者千萬人
吾君顯治天下無如言矣夫言出于君而天下屬耳
焉故必民無遺令而後其言尊此非可求之民也
患德未成耳不患民未孚也故昔英內蓄能令神馳者如世俗題
簪慕綵綸外描能令耳聾者欽承篇觀于天淵之聖矣
皆能翻意見奇燁然可掬

故苟得其養一節顧起元云良心在混沌之初何畏何消無俟養

以人心造焉而養此是正當議論李蔚云其道以一氣而辨衆中

之得失也大矣
名曰物物即氣之所聚也氣未聚能是生一理為衆物
張師釋

云君子不能保未離之朴而僅尋已放各說一意均非凡品

呂克孝居敬一節則理厚之氣傷而太驟則其太驟也太察

為而失焉者耳亦自切題汪文溪云臨民出治心可以無事
者宰事之淵以之提綱挈領而省庶務則清寧之丁天毓云聖主
福也以之解網絕紐而流大休則脂肱之獎也
無事息天下而不田大成云人主之臨民也不難于與何南金
能以無心宰天下之理非無事也君天下本無事也君不可先以
云君一有事之心天下之理非無事也君天下本無事也君不可先以
上皆警策可誦陳萬善云綸治者貴去太極其隆昏主以前際業
推則心李九我批云以太字立說甚奇吳世翔言而民莫不信云
術辨耳
言以通衆志亦以起衆疑使上有音旨而民較相情而不信安
所與順治哉預立言有根從今為未惟至聖之時出者稱焉
琦名云人主所為顯示天下者則有言矣願上行令下行意令則
愚又安能強其何其枝荷得其養一節云心一也而有真心有習
孚于既言之後何琪枝荷得其養一節云心一也而有真心有習
臧夫故取無涯涘失靡周舉人云非其本來而失養不至益喪
定要之培非為實語也

其固重有焉于陳舉人云天下之物不離兩端固來有不長不
是而重者以上後檢得之亦英英可愛

小講有連下入文者如謝廷讀故君子以人治人二句云斯道在

形而無止息之間人或精言性命而粗言形器者則是教乃強世之

道而無止息之期矣不知物我之生同原道妙即遠道之人而近

治而為之姑而簡也至善之止隨來也仰何其枝居敬而行簡一節云

其簡而為之姑而簡也至善之止隨來也仰何其枝居敬而行簡一節云

乃有連而行之者居興行乃文中正提者從小講一氣說下便無

痕迹丁天毓言而民莫不信云則以民之相信也然喻則以意顯出

姑隱其意而令人不可窺則民乘是而駭疑且駭難以語信矣疑與

駭乃是反提亦從小講一氣說下兼重時字得肯

浙江丘也聞有國二節張應完云善治者必為國家計長久長久

亦貧寡是患而圖遠人以為計左矣夫楊守觀云自古帝王欲取錄

先驅除而後德化誠重在此不在此彼也元魁二首皆可謂

江西素隱行怪二節夏師璣云端說而不經即一冰猶以為非吾

道前而可久即終身不見其足自世有好奇異者而道亦病矣陳大綬云

失之道也又非以為者失之而以不為者失之而以為者二作皆可

徐來泰大孝終身慕父母云凡物有盡惟父母之念雖釋子之

慕親何論亦自有理

福建忠恕達道不遠洪承選云道非玄冥之物見心體斯見道休

自知自證因說理之詞令人易識

可證道焉

湖廣擇可勞四句熊廷弼云天子為政有以其心用天下而不強
下吾何以知勞不第二名劉芳節云政有不自用與心而不強
怨而欲不貪哉以公顧實心實政謂何耳而反

熊起古而徙劉起腹而新有事君人者二節周命云上臣事君以

其心以事君弟有事之真心從其而新亦新

甲午順天子貢問師全陳敬云道止于中而過不及之兩途出矣

道術之愈分也而直執題隨善必先知二句云誠之道聖人有後
而將然未然而項天之權不自用而為人用說理甚精詞亦老

練

應天管仲之器全文多散逸馬開之擬程云器才典器兩大者

佳是也下此則才有餘器以才字較器管仲之伎倆窮矣龔三益

不足矣夫子有思焉云後人終身豈立惟是器識焉基自古希臣王佐不以功高而生

綱常名不論鄉會元作大率多平留此為式且會文切理詞亦鏗

鏘非初作者朱應熊惡倭二句云是心術之裂也則言為之附而以

顧言之當也換策則盈庾可拍協信則古今不折之矣斯亦何足惡者

義而推衡若合道信而金石可亦以小講連提頭做而詞理俱徹

貫于是乎有所謂倭與利口者

作文用子書古語令人不覺乃佳如江西子貢方人一節饒汝梧

云學者與其善彼而非此也不若各歸而証之修詰豈謂其達現

疎哉其專功以為己其暇以及人川功固自有序也

譽彼非此是莊子完句用得妥當若出自胸臆所以為妙樂天者

保天下二節饒云古之入有欲必其國王若矣有欲必其國強者

是得天則享乎固未有不亦落落有古氣首二句從國策來方夏

二句從漢文來皆能舉括成章時文雖小技句法字法須當均有

源流故貴多讀書

福建人之生也直一節黃起云造化陶鈞吾人詎徒以塊然之身

為生理說理入微能醒人目

有摘題中緊要字作起者須要古鍊爽剀如福建有所不足二句

王畿云道寓諸庸而在各足人惟忽其庸也或以易足而

只就題中足字翻出而挑剔極明辛丑會試則皆就庸字翻弄又

此文之波流也

湖廣衣錦尚綢二句官應震云幸者中無所得則文采不足乃或

用其不足而稍綴飾之則文雖爛

焉為我者通詩而有詩焉此題不說不欲文乃欲其間然而自文
徒中無所游說起最清題音

廣東其知可及二句何荆王云人臣在國言太平則借立為資直

計部家難為措置而不知臣道羅弘謂云非其人仁矣願智計臣

之所難則有在此不在此者此題不是貴其愚能濟變須着如此說

二起詞皆可采故錄之

廣東此四者天下之窮民至末何荆王云人君之行事豈有常操

潘色者以慈招尤而仁賢之主及梁思耿云王者非自為家也合

借之而興王業則私與公與也

家故海內一榮一瘁皆動乎王心王若一情一念之流注也

盛王南為括世布德用培王業本指此一

前起商確後起雄暢皆能說理神采燁然

辛卯應天君子成人之美一節汪鳴鵲云君子有餘美小人有餘

才一念之相反而動則人才其成就往人殊焉風調自是不凡事前睨不困張君卿云人

微以其心而制天下之事不若事事之語語刺心合人擊節

小講貴說意亦貴鍊詞如福建居則曰四節李仲光云君子立志

用耳顧人知有用之用而不知無用之用有用大意亦平末二語

雅鍊便充可觀

湖廣國君進賢三節鄧士亮云人君率制國家元老之臣不居外

制則用詞氣嚴整自是作家

福建滄浪之水二節王邦俊云國家興亡之故衆人見其形聖人

理者屬之人事故誠有憂危之意豈必卿士勤以虛形實獨勝諸

滿大夫廉歲即一巡言亦當世得失之鏡也

魁

戊子順天季文子三思一節黃葵陽改程云

古今得失之故皆起

也。以沉光亦以果斷其句句切題王蒙亨云人心之有思也理固

失也。以哲發亦以通疑句句切題王蒙亨云人心之有思也理固

善用其思則思常微于理之中以無主亦朗然可誦

之心過用其思則思常微于理之中以無主亦朗然可誦

應天如有轉施二節周應秋云天下至大者惟仁至約者亦惟仁

而有餘者則心與勢殊亦切題無一閒字君子之道淡合下四節

而論仁者實識休也云至聖之德未有不自然至誠之心入之者自人以外馳之私

章旨詳盡明徹吾為此懼開先聖一節云世道漸以不墜者時有

既徙後聖未起而有異端肆害乎其間有感先聖後聖只就題中

指出便成宏論時憂道之君子不局不深信而力排之矣

浙江夫人不言三句蔡應龍云經國有訃誤時為大故為于不可為之

日則利也雖是常調却係名言故凡同類者一節朱國禎云健聖人之不

者何也始為忽其同而自流于異既為執其異而併此二起皆你

疑其同則未嘗明性于類也則亦未嘗此類于物也二起皆你

程皆有理趣

應天伐柯伐柯二節此題故難聯絡劉純仁云道无一月不具于

之遊固在也平情括盡題旨

有懸空玄說竟作問難而起者如乙酉浙江夫婦之愚十句表茂

英云君子之道費而難也夫其費也必處化而始顯神聖而

猶有輕虛活潑筆端如畫

南京大戒于國十句李大武云古忠良之臣留心民事者誰不動

新先王之故愆而不有明君者事

而臨竹之則其事多湮滅而弗彰吾不意今人作文多苦思極煇
以求工而此數語只憑習流出筆端可愛故有意求工者類無嘉
調而無意吐此者常有至奇學者所當深辨也

福建見善如不及全在憲周云古今人豈甚相遠哉而以其所見

有慨然想見其為人而無從焉論奇宕之極琢削俱融孔子嘗為

委二節黃葵陽擬程云王人詔祿以養庶君予戮事而後食故仕

道也最得題肯

壬午湖廣天下有道則庶人不議徐成楚云人君所典與天下者

孤于上則天下之公論各伸于下故世之誤開口二句便是確論

未必出于宰士大夫之口也庶人而據之矣有不屑屑摹題而徑以大議論發起者如陝西述而不作一節程

云天地之文章成洩于聖人之制作皇全不說述信而徑從制作

發揮無一句不是起語

已外浙江賢者在位二節胡琳云有國家者不為人畏則為人侮

牛耳仁不仁摘題中畏字侮字糊成佳境周應秋吾為此懼用先

聖後聖從此處得來

三卷終

卷三

十八

舉業定衡卷之四

趙田逸叟子允素黃坤儀甫著

男袞天啓若思甫

姪孫袞上鯤南之山

袞梓熙載之甫全校

書林梓

正講

應舉子業須以墨卷為定衡而每科會元其文經十八房閱過主
試又翰林大老所取必正大可式士人不察往往以和平為謏陋
以雅澹為無奇不自知其識見之偶偏而反憾主司取評之無當

由是終身咕嗶取途愈遠老死塲屋而不見收宜矣如今科會元
許獬首篇是一句題誠難煉格初看似只平及徧閱十八魁然
後知其格局平正體裁冠冕詞氣森容理趣典暢率無加于許公
也本章原說三畏起云君子畏天命矣畏大人矣至若云云提此
二句不必說三字而三畏景象儼然在目提矣云聖人視聽明威
未必如上帝之有赫而天命之性與修道之教原無精粗規為制
作不盡若大人之遭逢而見之實事與寄之空言亦無顯晦根上
文說來提掇甚明而語亦推練如白雲起于岫中不離翠岫之狀
而曲折有情幽思自遠接下用君子曰三字格便出奇先作二比
云聖人雖既往矣而其緒言未絕則千古噴噴而如新耳聖言亦先
許耳而其情義亦旁則終身由而不盡

不說畏而但描寫可畏之意最玲瓏最縝藉文字須徙虛入實如
瞿崑湖詩經此有不獲釋四句墨卷起處不遽講豐亨之慶而虛
虛根王澤天兩說果最春容可玩此題若將畏聖言一句道盡便
斬然無味矣先說緒言未絕其意猶淺後說精義無窮則當畏之
肯弥深先說千古如新此只說聖言常在後說終身由而不尽則
愈切而愈見其可畏矣但初出本云聖人往矣後對云即聖言在
無奇耳長句對短句參差不齊其有古意後改本云聖人雖既往
矣狗牽排列及欠老成實謂云聖人言言照已若謂肺肝而示
之至孟情傳微駭莫能道今而鳥海不畏惠迪從違之近有我所
未及為而聖人言言已若於斧鉞而待之先蓋成敗揭而莫
能逃矣而為河不畏暗室屋漏可畏之地也人未及知而聖言已
揭其肺肝惠迪從違可畏之義也未我及為而聖言已畏其衺錢

摹寫畏字愈深愈切直通真境如良工織錦縷々含軋次云

以文章見

性道不畏則入理不深故必澄心豁慮極其戒慎而後可以對聖人之言則君子語為心常欽而常懼也以拘慄為道卒不畏則推誠不固故必周視折矩極其齋莊而後可以休聖人之言則君子語為念常止而常定也

前二比已將畏字講盡此處更難下手須再進一步如妙舞霓裳前曲已寫盡深情而後曲餘音嘹亮愈出愈奇使人聽來覺少不得方好今前說烏得不畏此又從畏字中更深求其用力處曰澄心豁慮則不徒畏乎其言而直欲檢吾之心曰周視折矩則不特心畏其言而直欲身與之合又從不畏說起則文有開合而與上意不重後從君子常懼常定收拾則文有歸束而体裁甚雅又先設以文章見性道是洗末見本後說以拘慄為道卒是攝本歸末

說文章則曰入理深說恂慄則曰執德固說入理深則曰對聖人之言說執德固則曰體聖人之言說對聖人之言則曰常欽常懼說體聖人之言則曰常止常定脉絡相承針線極細但初出本云動而觀靜而玩何時不披歷然苟非茫神凝慮極其齋以莊焉不能忘披歷也吾生平所學何學而可使幾微之或玩乎擬而言訖而動何時不質証然苟非周規折矩極其符以合焉不能忘質証也吾日用兩事何事而可使毫髮之或爽乎此二比與今所改定迥然不同若論文氣則前本以動而觀靜而玩接上烏得不畏甚渾融合縫其詞亦流麗可喜如白云自沅山泉冷然後本更作起端稍有痕跡繁人飾工頗累天巧若論意趣則初卷不如改卷多

矣今只從改卷為定繳云蓋聖人為棄世而有言則其言不得不
凜故既以微詞動之復以危詞惕之而譚吐罔非龜鑑君子欲因
言以見聖則其意不得不浚故既以實心俸之又以虛心承之而
日夕罔非冰兢此繳極的確極平正無一字不切題意而咳唾珠
璣到處錦爛求云此一畏也即天命大人不悚息于此矣然非知
言君子孰能有此畏乎如此起如束首末相涵極有法度

王辰玉首篇云是會元文字不可緊以魁作視之其詞何等雅正
其氣何等春容說理入微而不犯艰深之態用意周匝而絕無斧
鑿之痕起云是聖言也是聖人以其戒惧之精神默攝夫後世之
精神者也而惟真知戒惧者能默迎之是聖人以其性道之文意

顯淺于裁

之文章者也而惟真知性道者能顯証之洗聖人戒

懼說到君子身上又澁默說到顯字、有意光華若朝霞芬首入
九咽先二比云故君子見其言因見其所以言者為則人之載言
也重見其言又見其所以見者為則言之東心也澁虛而不實淡
而不味次云大而陳謨矢烈皆天載散見之文雖欲不齋心以事
不可得也則屋漏兢兢之念所為質之而加親考之而愈密者也
小而受響傳聲皆天則範圍之主雖欲不洗心以承不可得也則
平居翼翼之衷所為觸之而皆真警之而皆養者也以大小分對
微養有迹然陳謨矢烈對受響傳聲用字清新不落陳境至質之
加親攷之愈密詩句說得入細先質而後攷先觸而後警一步深

一步優如身履其事而親作工夫者後二比云有形之鑑戒與無形之頌謨而相檢持則敬怠無互乘之隙即吾防閑之力倦而欲偷而一念及于素所仰承者誰人之典刑有不悚然虔惕者非情矣不弛之心精與不易之名理而相締結則神明無離合之時即吾淨游之氣溢而欲騁而一念及于素所步趨者誰人之彛訓有不凜然欽束者非情矣講畏字親切不動聲色而煜々精研直倡真境誠敦彛舊物人倫冠冕也繳云蓋稟聖人為律度而隨以律度定糾繩則更不假徵色發聲而刪述之緒詞動成惧府奉聖言為焚墻而隨以焚墻寓斧鉞則更不待人非鬼責而佔俾之末季舉成戒端以緒詞成惧府以求季成戒端講得極妙蓋君手本

全在學聖人故于不足畏處尽成可畏斯為妙境又其詞必雅餘
燁々動人近時淺學專不肯用字眼如律度糾繩熒熒斧鉞刪述
佔俾俱府戒端等皆欲刪去而自撰一種清虛之語以為高正如
雅駒臨風驕嘶自賞而步驟未閑轡勒俱廢又如寒鴉數點流水
孤材非不清楚然景物蕭條逼脫意尽雖味小儒之目終虧大雅
之軌吾兒頃熟讀斯文庶不終迷耳收云是君子所為惜李問收
放心以誦讀友千古而畏天會畏大人之實際也敢以空言視之
哉李問收放心誦讀友千古論理則是真道理論文則是大說論
今年會試所取之文皆雅馴皆和平皆典望故十八魁中往往皆
有元氣第三名商國祚起云聖人以百世不磨之謨訓揭于天地

使後人顯有所制而罔敢有越者不可謂非言也而以此生不往之精神托在言詮使後人潛有所通而不至憊忘者又未始不以言也此起極佳以麗藻托新聲以深思發真境舒錦馮珠瑩然可寶首作二小比以體驗對契合以一念對四顧以先哲對往訓字字不合掌極純粹可愛雖微涉塵境終是作家實講云帝典王謨言皆芳範而君子常以心自証其無慚衾影可上對聖人者幾何心期事、可言而後自慙則典謨在側不啻有指視我者而烏得無畏也左圖右史動有成憲而君子時以心相質則生平誦讀可獨對隱微者又幾何必期在、無憾而後即安則圖史在傍儼若有檢束我者而烏得無畏也首二句說典謨為芳範是可畏之源

次三句是當畏之故必期事。可言一句是畏之实用力。如求三句收入畏之實境。此起承轉合之章法也。又先說以心自証是不求之聖人而求之吾心後說以心相質是以已與聖人兩相質証極有次第。極有針線。後收云蓋於穆之執緘不可以意尋而聖人憲天以立言則聖謨之昭察即屬屋漏之鬼神。苟敢不以若監若臨者祇承乎聖訓有道之儀刑未得于目遇而聖人修道以為教則聖言之垂範已屬吾心之師保。苟敢不以六步七趨者恪守乎前謨。浚天會大人說來會元用此于起處。商公用此于繳處。格異而法同也。未又繳云此非君子有所強持也。此句不對聖人之可言即吾人之可行。夫惟以心會聖人之言而觸處皆箴銘聖人

以有言之言寓不言之言夫惟以言會聖人之心而隨念為法戒
尋題外之意說現前之景詞有尽而味無窮第四名潛汝楨單提
聖言即以聰明意識尋聲測響反起此是欲創之格與眾人迥然
不同么可作元其少超二比么間離虛融綽有法度開講云言有
直指性天者則神化之撰原非窮冥敢以空寂置之惟是從虛湛
之宇隨言叅合則聖人所為窮神達化之論正顯示我以生身立
命之縈籥而轉會昭轉杳符合之為難也即片言必惕矣言有昭
揭倫常者則日用之旨本自親切敢以淺近置之惟是從實踐之
隨言印證則聖人所為道德仁義之論正明示我以歸報復命之
真源而愈體驗愈杳滲漏之多端也雖緒言必歛矣剖精抉竒沈

著痛快語意高而不平露魁本色矣生身立命與歸根復命皆
魁語非元語也繳云是以內觀于身稍與言造即如內省與動言
合又俱外襲固其抑畏之深心也外觀于天下則邪淫之說不使
加于其上中正之旨不使稍晦其真又其碩畏之實力也不離時
調發其真理如韓信驅市人而戰不必衣裝鮮爛而布棍白挺足
以擒魏破趙第五名吳亮講云其後聖人之世而載籍可稽則勤
炯戒于當年而善敗昭如著龜業以口誦之心惟之而若保若臨
敢弗畏欤想其素所兢必有潛攝其流覽者而誦讀猶粗已更
一步便竟其將聖人之門而答問有教則指迷途于頃刻而法戒
意趣无旁堦若準繩業已面命之耳提之而是訓是行敢不畏欤想其中之

慊必有點操其矜式者而晉傳猶述已人多認聖人之言為書
本上說話吳公如此做然後收拾得完蓋耳提面命較誦詩讀書
其對聖尤切其可畏犹其次二比接云彼誠知聖人之言質言也
質則天下人文章必不離于實君子惟以實心為體驗而見聖弥
切或究指歸于糟粕之中坡又知聖人之言庸言也庸則百家之
奇說終不勝其平君子惟以平心為閨繹而衛聖極嚴或闢邪說
于榛莠之後第四名起云是至言也此微言也倂自破的但至言
微言人所常見故只平々讀過此用質言二字甚新透亮觸目又
其以文不離實接質字以奇不勝平接庸字襯貼有情發揮明透
如明月在窓梅花相映風骨愈清情色俱勝可式結云夫立德本

于立言則齊世閒人惟聖為大知言寔于知命則修道設教即聖
是天精至之語止自嫣然說天而不及大人亦是本題正意第六
名劉是通篇以天作主而虛字斷句淘洗淨尽於尋常蹊徑之外
別作一番說話而其詞又甚雅馴若無前五名此卷亦可元也講
云言道言法何日不弘範于世而独其齋戒神明之德有冥會者
此不但準繩依之即或尋聲而泥其旨守道而失其傳犹不敢也
蓋悅諸心而轉齊其惕諸慮也是訓是行何人不被服其教而独
其戰兢惕勵之衷有默運者此豈直師保臨之即可托以文其身
附以伸其說犹不敢也蓋即之愈親而齊其愈尊也首二句道法
弘範是一層意思齋戒神明二句是第二層不但準繩一句是第

三層即或尋聲三句是第四層末句是第五層如登百仞浮屠一級高于一級又如曲澗流泉一轉一摺波瀾紫沍悠然可愛接下云細以窺其畏之端則一念誕遠與聖言若對器而照故黜其浮念而密攝真元惟恐以弗畏而入于可畏究而推其畏之尽則万筦变化與聖言常不券而符惟得其真元而妙理自合雖不着畏之意而尤見用畏之精語新清似對不對參差映帶便成佳境昔文典可畫竹先有成竹在胸中然後牽筆一揮而就是以色相完具生意宛然今登竹者逐節假轉旋生枝葉縱點綴極工而氣脉不貫故作文先須識篇法凡遇題目輒注想其通篇大槩如何而起如何而承如何而轉如何而合使始末相涵開闔相應輕重

疾徐各中其度如今年許憐王衡首作篇法極高故備錄之時文
 腹法即古文之章法也亦有起承轉合脈絡相貫轉展入深絲理
 秩然而變化無際如前所錄商國祚第三第四比一股而有五轉
 淡粗入微雅有法度又如第十名曹珍三四比云聖人不得已為
 救世之言其言近々則與人心出入之途毫無假借試檢此耳目
 遊息時其於誦讀之說所脗合者幾何事所出入而不合者幾
 何事真一本念皆誤而又無地自容者何凜々焉聖人不得已為
 明道之言其言廣々則與人生常行之途毫無遺漏試自察其形
 神發明時其於經傳之說所體會者是為何言所遺漏而未及會
 者又為何言真一本事即差而又無處解釋者何翼々焉首二句

是起次二句是承次四句是轉末二句是合條理分明又以人生
常行之途對人心出入之途以形神發用對耳目遊息皆有意思
且不言畏而曲寫畏字之意最為警切第五六比云不必對圖史
以見聖人蓋以吾心自叅自驗必有耿々而不能昧此圖史者
承滑極好一點是若以我對聖人而袞鉞之嚴乃自我心出矣不
擬題急便必就聖人以覓箴視蓋以吾身自揣自反當有炯々而不能欺此
箴視者是若以聖人臨我而羨懔之見又從吾身起矣題說畏聖
人之言文說不畏聖而自畏此是用意描弄處先說以吾心自驗
後說袞鉞之嚴乃自吾心出矣呼應有情聯絡有法妙騁心机隨
方合節周士顯講云聖人作者也先天而作不朽自有精意誦其

詩讀其書默自體驗言語文字之表吾平生所理會者幾語而稍有出入凜々惧不得為聖人徒也君子述者也後天而述尚論自有律度觀其象玩其詞默自檢點章句記誦之外吾生平所摹習者何得而稍有離合兢々惧不得與聖人游也不彫不琢散々駕來而法度森如自然合轍王繼美云虛其言既有所不敢而体其言又有所未能惟不敢与不能之心合故激而成畏而一念之欽仰直欲進之寤寐焚牆之思薰而師之或限于力擇而取之又歎于心惟一心一力之相叅合而成畏而此衷之嚴翼直欲會之言語文字之外凡章法雙起者最怕懶散此股第五句承得緊而未句亦有意味重起而輕收飄々然有飛奔之勢十七名講云微言

之性情心術通帝載之淵源此誰非言我所自有者夫我所自有
聖人言焉冀我之脗合之而烏知不或違之也夫違于聖言天之
所以与我者謂何而用是日廩々矣顯言之貌言視聽涵於穆之
真宰此誰非言我所當為者夫我所當為聖人言焉冀吾之深体
之而烏知不偶悖之也一悖于聖言吾之所以事天者謂何而用
是日統々矣通帝載涵於穆大意只承天命說來而妙處全在言
吾所自有言吾所當為約入吾身便成妙境其股法則有條而不
紊惟其言通帝載故為吾所自有惟吾所自有故當脗合而不違
惟不當違而偶違之故廩々而悞澁源而流繁々相承並不走作
法之中有句法焉句法欲雄健不欲軟弱欲高古不欲卑瑣欬

淵亮不欲重滯欲頓挫不欲直致句法之中有字法焉字法欲新
又欲穩欲確又欲雅欲秀又欲平大抵篇法如良工築室規矩一
定門戶任開搃要前後貫串廟廡翼然章法如百尺之錦絲縷相
承綺綵錯落句法如千鈞之弩字法如百鍊之金要專習之久疑
會之深如釋子參禪忽然大悟桶底一脫信手拈來頭頭是道矣
作文不患無意患在無以運之題說畏聖人之言蕭子泰却澁无
言說起其詞云聖人相授惟此一心其不可宣洩者為天地未開
之精蘊終日言未嘗言深于言矣其不可磨滅者為人心自有之
文章有所言有所不言妙於言矣從無言說起是其用意處文若
太直則無味故須如此曹珍起云君子曰吾意犹可以自安而決

難容於聖人之言則有不敢不畏者吾意苟不可以自安而愈難容于聖人之言則尤有不敢不畏者創意極新平中一突十七名起云碩言雖無畏之形而佩服無忘即神明之將奉畏非泛言而起而方寸有主養彞訓之恒尊意在詞中理出詞外繳語如周士顯云蓋擬諸聖而復言猶屬意見危平易傾得意因以會聖人之言此精神之極也守其說而不變猶屬糟粕繼往開來得言因以傳聖人之心此憂勤之衷也句句用意比他人更深一步陳勲云聖人之意不尽言言出而天下以為楷有貴于言者也心之精神即為聖惟畏則無之而非是此深於契聖言者也以深思強至理周士瞻云信乎文章闡性命之精聖人之言原自聖心之真畏而

俱在親聞之外君子之畏愈以聖心之真可畏而生用意
入微發揮甚透

文有定品亦有定價世之談文者曰神品曰妙品曰工品曰能品
各隨其力之所至而辨之至于秤量高下剖斤錙銖則文有可元
者有可魁者有可中者有必不可中者若燭照數計而筮告靡毫
髮爽也雖頭腦冬烘眼迷五色問一有焉而大致則靡忒矣我朝
文字自三楊專重歐文以溫潤典雅為臺閣體即今荆川先師所
緝文編乃翰院傳習之書若序若記若碑銘之屬各取歐文數篇
居首蓋欲學者熟之為骨然後遍考諸柳蘇王之文以尽其變故
自古會元雖豈約異態朴豔殊轍摠之皆醇粹和平正大爾雅如

端人正士垂紳正笏而立于廟堂之上又如宿儒講孝雍容理窟
刻盈逼真而咳噓皆成珠玉絕無崎嶇乖僻之狀然文字有元之
格有元之識有元之意有元之詞有元之氣一一辨明然後可以
取法而入教試以近科評之如穆王一節論格則先引詩釋
意次遞五段後提繳大旨此常體也今碩起元起便做六比不用
一字過文渾融灑下及三段叙畢徑入小束即繳即結並無繁語
此場屋四千人內必无一人同格者也論識則此題君臣五句不
是釋詩乃從詩之緝熙敬止而說其實詣故諸卷皆述詩詞独碩
于起講下並不演詩但云語聖心莫穷其量緝熙者其不已之神
乎語聖德悉合于天敬止者其不動之極乎以已意同詩語發揮

最為有見論意則本題全重止字而其源則自緝熙与敬來故首
二比先從緝熙說到敬止次二比從敬說到止後二比又用一故
字另作止字二比發揮透徹何人可到論詞如天寧于極理歸于
宗皆不經人道語至勞民忘其燬嚴主零其威苛語刺心令人
擊節論氣則春融典暢起伏疾徐各中其度元作何疑仁者其言
也認全本題因有問答故作若俱用過文歎湯賓尹入股平做渾
融合縫場中絕稀格已出衆矣論識与意則又出人意表司馬牛
蓋原不及顏淵仲弓故夫子不言仁而但言仁者仁者心術行誼
亦未易談姑與論仁者之言味若不察多謂誣言一句便是仁而
不知夫子實未嘗与之談仁也湯起云夫子不悉其所以為仁而

第直指曰其言也詎不悉一句深得本題三昧字々該圖詠言既
非答仁便不當深做故湯只輕々通過若舍下存心畢力發揮則
司馬牛亦不消疑矣依註心常存故事不苟則為難頭上常補存
心然善文者可尊經而畧註不可因註而改經湯講云議論与躬
行無兩操而仁者動自收斂有無鉅無細念常恐其莫勝者彼直
懷廩々之思而雖欲妄置一說惡可得焉操行与特論無兩秉而
仁者深自退藏即万幸万當時恐其或踈者彼直抱慄々之慮而
雖欲輕發一語惡可得焉竟依本文發揮並不依經纏繞且為之
難亦非事不苟之謂為即是心去為難即是心常慎重故十八魁
中並無一人將存心另講者然依經解義則曾元尤為撒脫又此

二比謠意鑄詞句、不合掌後收、二比在字、雅練真元作也、壬辰知及之全吳黜之作直漈予丁丑何如斯可謂之士三歎流出不但格局相同、燕公氣脈畢肖、此非有心模擬也、吳因之李文于顧元玉、元玉李文于鄙人、師友淵源、謬相珍重、涵濡既熟、矢口相符、試閱其庸孟二義、其風度皆與首作一律、即此可以覘其所養之深矣、大抵李文如李射、須先擇前輩好文數首、以為法程、貴精不貴多、貴專不貴泛、譬如李射、不先定標準、即終日執弓、何由中的、又須枕藉之、沉酣翫、使神與偕來、便可奪胎換骨而陶鑄成家、若待招之而後來、麾之而後去、已落第二義矣、黃葵陽堯獨憂之七句文字、和粹冲夷、春容典雅、其血脉澁昆湖、先師使禹治之、

一節墨卷來馮開之丁丑未進場時目之玩此一篇文字藏之袖中蚤暮披緹寢食不廢故場中七作其風度悉与此篇相肖此便是李文様子顧元玉從予遊只揀予丁丑墨卷及窓下大哉聖人之道四節文字朝夕尋玩語予曰執此以往會元可必矣哲人蚤世音響若存嗟々安得虛心定志如元玉而与之論藝哉附丁丑墨卷

子貢問曰何如 三節

門人顧魯璘元玉父評 此題只重行已有耻一句下使于四方不辱君命乃子貢所長不重也然不曰有敬有義而曰有耻最有深意子貢是通達有為者夫子不欲其通而欲其守不欲其達而欲其塞不望其有為而望其不為故教以有耻々者乃不為不欲

之真心作此發得極透而通章大意更亮瑩徹蓋稱孝稱弟必值
必果皆是行已邊事皆就子貢之所不能者而教之也論士之品
則愈下論子貢身上則愈難此是夫子善陶鑄處若曰聖人有所
不滿焉則悞矣先生圓悟入微而充養完粹流于既溢發于自然
故有透徹之見而運之以冲夷有銳精之思而出之以雅澹琢磨
精巧如良工製美玉而絕無彫刻之痕文勢順利如老驥騁長途
而絕無奔逸之態我朝會試六十餘科未嘗見此文字海內傳
誦者翕然皆慕其文之工而之所以工處則或未能盡解也二三
十年後時藝愈造愈工始信此文難得耳蓋天生神物斷然不磨
而奇珍在世久當自顯余領先生之教不止于文而此文則蚤慕

尋繹愈玩愈精若庚辰之作則如神龍行空倏忽方變而輕雷驟
兩激滿八絃癸未之作則如祖師接衆語々當机而一唱卒言五
千退疾余皆謹錄而崇奉之蓋先生三科殊卷會元交態備尽其
中真可謂前無古人後無作者矣虛心潛玩而有不畢肖其文者
非夫也肖其文而有不發元者乎我輩勉之

觀聖人歷告賢者而士之品尽之矣夫德可過而才不可過也是
故士品有三而摠之立本為重焉且士不患設施之未裕而患涵
養之未宏養盛而隆施則作用皆為至德有本而無用則篤實亦
可維風此論士者所必稽焉而於子貢尤切也故夫子因其問士
而告之曰所謂士者豈徒以其材耶必提躬完愧怍之性而收歛

至純由是出而專對他邦即以其正已者而善交鄰之節內省全
羞惡之良而纖毫不苟由是使而傳宣君命即以其守身者而彰
華國之猷於已也有此于君也不辱庶可言士矣斯士也不必於
親長間稽實德而明体適用是能以真性起經綸者也不必于言
行間覲操持而立本運謀是能以隨修為措注者也夫子所以教
賜者六微矣賜不察而求其次夫子則以德行為本才猷為末而
舉稱孝稱弟者示之身未出于庭闈而倫叙之愷可以覲德矣賜
又不察而求其次夫子則以植節為重運用為輕而率言行徑
者示之事不出于庸修而小人之志可以覲貞矣夫孝弟非他也
是六行已之大端也大人之經濟原不出赤子之知能而順德在

躬隱然負四方之望言行非他也是六行已之一節也達士之運
謀總不離一念之堅確而樞机既慎闇然抱君子之光蓋徒守其
空虛無周之体固為遺世而病心專事于才華通達之圖亦且以
文而瀉實此士之所以貴立本也而今之從政者卑乎無足議矣
四之為人也 一節

道之不明其弊不在知愚而在賢不肖分明是以能行為明而不
以知為明也傳言顏子蓋真知之六得題意蓋凡知不能行者皆
知之不真者也此作先將顏子一貫工夫提得明白後面皆從知
行合一處模寫句句逼真字字透骨

大賢以能行為明而於道也深矣蓋道必知之真而後能守也不

求明于知而求明于行庶幾乎夫子以是稱顏子也意曰世未有
真知而患其不能守者未有真得而患其或失者碩道之擇也惟
人而人之聰明難罄其守也者惟人而人之心力難純惟四之為
人也從知起行而不敢認見聞為實際其擇也有一徹求徹之真
景而大悟之後終身不迷者也因行葆慧而必敬以實詣為真修
其守也有隨時保任之實功而體驗之精本真愈朗者也融善之
絕則拆至德于毫芒而直探其一原之理以心悟之者以心守之
而有欲罷而不能者焉凝善之體則玩神明于本性而直窺其一
貫之宗以神契之者以神存之而有請事而不情者焉得而曰
善則繼成性以出而知識無所參也以其知識之不參者而時保

夫性中之竟則灵竈之内炯々常惺而百感紛紜靡匪清寧之路
遇理境則忘理以現妙也法事境則因事以冥心也泰々乎常佩
服于膺前而始終靡間矣善而曰一則從本原以出而二三無所
雜也以其二三之不雜者而時歷夫悟後之修則方寸之間惺々
有主而萬端攻取難搖常定之神于道念則久照而愈精也於習
念則有竒而即化也拳々乎常奉持于胃次而久暫無違矣方其
擇善而有得也非有理從外入也情識尽融天真乃見而以吾本
来自有之理呈于一旦豁然之間毫髮無增何緣有得特擬其尔
惺若有得耳及其守善而不失也非有物常在膺也纖毫有若全
体皆迷而以吾空洞無物之心守吾本來常竟之体本未嘗得何

緣有失特擬其惟一若無失耳以其發軔之明通而預觀乎終身
經歷之準以其隨事之體驗而適完其一念擇識之初回之為人
道其明矣

我亦欲正人心 一節

人心不正皆由邪說之橫行故欲正人心須息邪說而欲息邪說
又須距跛行放淫詞本題道理原是如此分三項乎說者非書旨
也此作極潯肯綮格既平正意度精瑩而春容典麗大雅和平語
語刺心可稱不朽

大賢欲以道援天下而自托于言焉夫異端之惑人心聖人所不
答也大賢欲以道闢之多言奚病哉孟子告公都子至此意曰聖

賢之在時也在上者立功在下者立言功之益在世道言之益在
人心均所以奉天開治也若禹周公孔子可覩已我將何為哉正
以道在人心萬古不息而所以惑之者邪說也邪說之行盈于天
下而所以鼓之者說竹與梁紉也我亦欲本斯民固有之道以拯
其既溺之良心而即人心所惑之端以遏其方興之異論邪說本
虛而說行則見之實事矣吾立言以距之而往聖濟時之畧將以
此而紹其統焉邪說為而淫詞則溢于聽聞矣吾昌言以放之而
先聖救時之功將以此而續其緒焉上之無桀亂夏匹之權稟則
命于天子而獨以空言回一代之橫流予豈好為是諱々哉揚墨
之道不息則不特無父無君同于春秋之弑逆而洪水猛獸之害

皆將萃于人心矣雖欲不嚴其詞不可得也下之無正名定分之
典托南面于遺經而独以緒論明百王之大法予豈好為是喋々
哉孔子之道不著則不特知我罪我負其筆削之初心而大禹周
公之道皆將絕于橫議矣雖欲不闢其邪不可得也蓋在三聖也
禹之後有周々之後有孔奉天心而以治易乱皆不得已而建輔
世之弘猷在我也由孔而承周由周而承禹体聖意而用夏曆夷
公不得已而著救時之蟄議懼其生于心而害于事則不得不為
事辦之懼其發于事而害于政則不得不為政辦之而實非有所
好矣外人之称殆未諒予心矣乎

文字有真有假真者聞之性灵假者拾之口吻真者發之厚恭假

者競于筆端真者見理精深假者措詞秀麗真者適入題隨假者
見在皮膚元魁易得真假難分透得此關則眉目相肖之中而神
情天地懸隔矣然假者隨時泯滅真者久而愈光予謂吾師之文
久當大顯以其真耳

歷科會元之文輕逸雅澹頓挫悠揚無如甲辰使禹治之一節鎔
意肖題精工奇絕無如壬戌事君能致其身格清氣平冠冕典雅
無如辛未生財有大道一節今吾師之文有使禹治之之輕雅而
說理則過之有事君能致其身之精工而和平則過之有生財有
大道之正大而精細則過之故謂從來會元無此文字非浪說也
文字不難于奇而難于平不難于工而難于拙不難于濃而難于

淡然平頌洪奇而來拙頌從工而出濃頌澹淡而生乃為正脉故
作奇者初時當穷神極想窺深入微及琢磨既久漸近自然人力
近融天巧乃見使泰山華嶽不碍流水行雲海錯珍羞恍若太羹
玄酒令人初誦之若平々無奇再尋之漸覺雋永三復之則擊楫
服膺傍徨追賞此千古作文之法也如辛丑元魁中庸之作讀之
似齊平々而玩之則有古趣許衡之格甚奇先將庸字起二比次
重講庸字輕飽行謹又從行謹緊接不足有餘蓋行謹工夫全在
不足有餘工故前面不宜重講末又將行謹意重發渾以繳足前
意其講行謹云凡德皆德耳狄是得也侖之為性智愚莫不同稟
脩之為教古今在其範圍蓋庸德實聖德也而吾烏可不行凡言

皆言耳。獨是言也。矢口即是。夫婦可以共知。祇性而譚聖哲更無
高論。蓋庸言實至言也。而烏可不謹。不實講行字謹字。而但從庸
字上描寫其當行當謹之意。最為得法。本房批此二比云。至字佳
按此皆聖人所未能者。故須講得入細。此至字從中庸其至矣乎
至字說來。便見鮮能之意。次二比云。行之而不足。非不足也。皆起
于厭其庸而有玩愒心。又以言之有餘而益成其不足也。行僅如
斯而已乎。吾業已行之矣。而不足。敢不勉欤。謹之而有餘。非有餘
也。皆起于忽其庸而有恣肆心。又以行之不足而益成其有餘也。
謹但如斯而已乎。吾業已謹之矣。而有餘。可或尽歟。從行字說到
勉從謹字說到不尽句。互相粘徙容不迫。甚有法度。本房批云。悠

揚曲盡讀者須想其悠揚之趣繳云蓋行雖有時而當謹然斤之外則宜戒庸以內則宜勉之始成其為庸不然則半途之廢耳言本無時而可易故庸以外則宜閑庸以內亦宜慎之始成其為庸不然則尚口之劣耳行本惧其不足而曰有時當謹則言亦行也言本惧其有餘而曰無時可易則言亦行也二比重發行字謹字始收得本文意盡王衡先將行謹及有餘不足意一齊羅起後却以意斡旋縱橫出入矯々不羈本房批云是何等識見是何等格局今看來此格實勝公元正講云是其迹易踐也其事易循也惟深而察之名實相合之符意象不交之地柔情情氣多有異而弛者而後知行之易於不足也是其數易知也其名易謹也惟

細而勘之心口相符之時人已互責之際驕心浮氣多有乘而溢者而後知言之易于有餘也深而察之細而勘之皆進一步法也文字若只在皮層工誦無以動人故須深求一步又云行以庸為標常進而起之僅求以如其德而止而其功已百倍矣言以庸為繩常退而守之僅求以如其行而止而其口已三緘矣末句收得有味便躍然動人恨如其行一句犯下碩行繳云蓋擇此一尋常之道居言行先則日用之精神自各以其分受益受縮于日用之規矩而奇袤為之默化持此而不敢之心立言行主則參差之情識自各以其則隨張隨弛于參差之權度而偏倚為之尽消論同則調澁心剗皆是不經人道語論理則發揮精撤題意胡然商

國祿講云欲使不足者至足而止求其赴必有不赴者矣此惟知
鼓力量以為進修而有說毋怠直以有餘制不足也歆使有餘者
無餘而姑慎其出必有妄出者矣云此須此互講來方得肯落潘
汝禎起云必也行焉庸言謹焉其原于天也為生人之大常也故
一措足莫能外一啓不能離也其竅于用也為現前之修持也故
德如行之必赴其途而言如鑰之必緘其局赴其途緘其局雖似
落迹成弘以前文字多有如此做者得此提格局甚亮冠冕氣
槩甚亮正大次講云行惟庸是泯性命操為躬修則其量羅滿
非若奇行之可以旦暮竟伎倆增也者言惟庸是泯性命中洩為
擬議則其神難守非若浮言之可以一忍制三緘勝也者此處順

講是常格今却反講使題意分明讀之朗望吳亮繳云蓋增修不
逮之德若見其多而勉之又勉僅成其為行而懿德之本体無
加何也庸故也寧留不尽之言若見其少而損之又損乃始成其
為謹而恒言之占趣無減何也庸故也庸故無有餘不足也增而
不多減而不可遂成一段議論末句單收是好刘是後二比云孰
是行也而可不足乎夫既已行之敢復不勉何者不足在庸而康
焉敝焉則是夫婦知能可虧而損也此向者半途之弗已而寧不
進焉以企于庸也又孰是言也而容有餘手夫改已謹之安敢復
尽何者有餘在庸而曠然蕩然一則是天地聖人可軼而上也此
吾隱怪之弗為而寧不約焉以合于庸也以夫婦知能履行聖人

天地屬言於理未愜但借以發明有餘不足之意甚杳明暢所謂
 雖蛇假合天地間自有此非道理周士顯後二比云非以言之有
 餘視行々始不足當在庸德習見而習行之已自不足有必行之
 德則有必勉之行倘待不足而更端始淬勵晚矣非以行之不足
 視言々始有餘當在庸言習聞而習言之已自有餘有必謹之言
 則無必盡之餘倘待有餘而更端始強閉晚矣文字必更進一步
 方有意義此二比句々比他人深一層可式曹珍云顧事有矯々
 見奇者一求之遂無不足而德惟庸也人情物理近在耳目之前
 矣天下之難合孰有如耳目之前者乎諷有矯々見奇者一歛之
 無復更餘而言惟庸也翕張談吐率屬日用之故矣天下之難持

孰有如日用之故者乎只就庸字上發一段議論較他人更充切
到可喜周瞻雲云奈何薄為庸德也而不行乎毋論離歧而趨將
隨行隨困顧庸德何物而若此泄泄為奈何薄為庸也言而不謹
乎毋叛常而擬將多言多累顧庸言何說而若此刻刻為此是奇
而不平者然語新調新六是可人主繼美云行者一趨之實踐
未嘗以難心委之然知其難者即難也此句而不足恒目之矣謹
者一守之拙訥未嘗以易心出之然慮其易者即易也而有餘
恒因之矣此推深一步與諸公同法

凡文字直衍其詞不如曲寫其意許辨孟義通篇只模寫足王之
意並不實諱而春容醞藉一洗俗套起二比云夫天下雖大惟心

則容不患不容第慮容之無其端而王有其端矣天下人雖愚惟
心則合不患不合第患合之無其倪而王有其倪矣只挑剔心字
而足王之意隱然言外更不指實次接云同此好生惡殺耳豈有
在此流行在彼壅闕者乎闕非自闕或有蔽之而明者自在也則
其明者可通也而蔽者亦可撤也同此貪生怖死耳豈有于此矜
全于彼慘刻者乎刻非自刻或有喪之而存者自若也則其存者
可充也而喪者亦可復也二比亦未明說王天下而發揮透徹昭
然可想如水中之花鏡中之月可玩不可執也次云吾意四境有
呼天向隅之聲四境聞之而王必不聞放膽不聞而無所感不可
謂此心之無乃其一感而即通也適以徵此心之有試及之赤子

下見之念當公同此真体耳吾意間闕有艰难疾苦之狀間闕是
之而王必不見不見而無所触是心本有而尚畏于無及其一触
而即應也是心自無而即形于有即擴之先王不忍之政不過寬
此分量耳二比漸說到王慶尚不十分指切只以大意虛描寫
玲瓏可愛末云惟王者能溥汪濊而範圍無外苟其有所及無所
傷則範圍天地之氣象渾然一掬惟王者能神交通而曲成不遺
苟其有所全無所廢則曲成万物之規模具灵襟誰謂是心也而
不足王哉前二比泛赤子說到先王此二比俱承王者發揮題意
始透通篇皆不實講末收一句云誰為是心也而不足王哉此與
楊繼盛王勃然變乎色之作同格宜互參之

今之時藝相題下筆以今人之詞寫古人之意須相肖為美正如
顧凱之陸探微寫真不独肖形兼欲傳神乃為妙境王衡孟義自
出已見發揮經意不执皮膚独窺神髓真可為冠塲之作起云試
思以四境啼號之衆尚不足博吾王罪已之言魯是一物而介
乃尔也則此心非稿而不灵之心可知以全齊感額之民或不足
以易吾王鍾鼓之樂魯是一物之死而惻々乃尔也則此心非窒
而不通之心可知不彫不琢純發真意情是真情境為實境其旨
可以洞心其詞可以悅目神理俱到可式接云常灵則痛痒常相
關萬類所以呼而能奄叩而能應者恃此心也是容天盖地之規
模也常通則脉絡常相關萬氣所以分而能合渙而能萃者恃此

心也是胞民与物之權輿也遺詞只平，而用意甚妥帖承上常
灵常通說來轉入在政事上去極有次第極有脈絡此等处便是
大方正脉最宜深玩次云政抑而惠施之犹未足以王人心莫神
于触偏觸而偏呈全触而全呈触而全呈隨萌孽即為本体而照
濡霑溉之澤待是而復足者耳家与而人給之犹未足以王人心
莫員于感偶應常感而常應隨端倪即為分量而氣心知之願皆
与是而俱足者耳發足字極透又作二比然後收云甚矣心之神
也細入無倪大至不可禦皆是物也彼士庶人者清明之氣固尚
能於斧斤戕伐之中培人心之雨露而君天下者生殺之机一轉
豈不能干天地剥落之後培宇宙之太和脫尽筌蹄独抒神理士

庶人等皆非本題所有而借賓形主返能逼真政如米氏父子作
人物花鳥不依形描畧但得真趣只畧施數筆而形像宛然
文字有反起而正承者有正起而反結者其变化固自不齊大抵
只要精采動人奇警觸目如商國祚束二比云蓋生机內稿則生
死之情與我常倍相隔正結此是真真心外蔽則一膜之外于我已不相
閔而堂下行仁竟寰海內之隱情其境界昭然若覩此真周視匹
夫匹婦之情于乍見之頃而致王特易之耳精彩相授意態橫出
神光離合乍沉乍浮其妙處在意而不在象在情而不在法最利
場屋周師旦云蓋有所矜全者復有所遺漏者王不足乃王之心
固濬發于全体之倪而萬形停毓一足而俱足者也或傍注于此

旋鬱隔于波者王不足乃王之心固渾合于無垠之端而六合在
念有以足而成其足者也此六反起而正收者吳亮云保民而
王期于民編為德而德意之鼓鑒惟大見最真彼蠲蕪而博施舍
之名噢咻而修拊循之令皆王道之迹也是心不遠所諸方寸之
中而足矣保民而王又極于民不知德而德澤之淳流惟無心最
普波要奮而于之以遠道惡声而動之以空言皆王道之偽也是
心非假所諸肫懇之精矣首四句正起中三句反講末二句又正
結此文之變体但得欄柄在手則縱橫如意繳云盖心之体隱而
莫窺世容有勉飾于形迹而未慊于真情者豈其內心之所動具
然是真純而謂惻怛之所流有其心而無其政也此必不然心之

机藏而欲露。世客有偶存于夜氣而旋悟于旦昼者。豈其外庭之所交曲。全是怵惕。而謂恍希之所存衆共著而獨反昏也。此又不然。通肢皆是反講。並不正講。而題意反明。一卽莊子正言什一反言什九。此須是眼界高。文机熟。而縱橫無碍者。方能到此。不然。只如小兒之描未寫字。模壁行步者耳。

文貴真。則自能歷衆。潘汝楨講云。凡心從安排生者。名為机心。而是心非机心也。触于無端。始吾不能制其出運于無涯。終亦不能禦其入。所謂父母天下之度。非于蓋一忍一物失所。与不忍万物失所。本自共念而生。似有大小。而實無偏全也。何患不足矣。凡心從矯襲來者。名為私心。而是心非私心也。其萌有種。孰迫之而

使顯其達有源又孰壅之而使隱所謂民物一体之量非乎蓋期
乎一物得所与期乎萬物得所似有象寡而實無楚語也王有餘
矣衆人皆就皮膚上描畫而此独從神髓上發揮一段真意使讀
之者心肯意慍如魏國夫人本色既高淡掃蛾眉而三千粉黛相
碩失色作文但能闡發真境不患人不心服也

題中字眼湏要發得透徹乃能壓卷此題卷上皆挑剔足字独刘
是透徹其文云當是心之初亦然怵然而不斃其兆耳兆于何起
吾謂從胞与中特呈其倪也而豈不足以見王道之胚胎迨是心
之後乃乍發乍收而未續其端耳端于何竟吾意極覆載 內不
罄其藏也而豈不足以待王政之斟酌不但能發足以字而其用

意處直逼真境一見便知好手極利之文也周士顯云任一罽鍾
未必即足千太和然亦殺机也而王若有關于情廼知流離死亡
有隔向隅之九閭而曾莫整其顏者非王心之初矣易一穀艱未
必即是培大和然此亦生机也而王若有動于真廼之田獵鍾鼓
有歛百姓之怨毒而莫肯易其命者非王心之初矣起處反挑足
字而寫意造詞復然出衆亦通是反講其法沈察復一不變塞墨
卷末王繼美講云是心也發于乍感乍應之間豈不甚倉卒然惟
乍則其感應最真而有真感真應之心則天下之精神命脉已握
樞于方寸之中蓋不越當時之一注念而已足為天下所往矣是
心也見于一事一物之際豈不甚幾微然惟微則其意念最實而

有是實意之端則天下之萬事萬物已司契于虛靈之內蓋不出當時之一措慮而已足為王之盛視矣亦發足字而告意淵微遂成絕唱近來文字用不得舊字眼一犯陳言便落塵境此作方寸之中虛靈之內詩句皆是腐爛說話然說理既高則舊字皆成新調如鍾離丹熟眼前銅鐵皆化為真金因此知文字只當練意只當說理不必拘于句一字之間也

曹珍當是有李有莽之生其文篇之奇絕講云王者視疾痛籲號之衆無不解其困苦而各遂其欲是天下皆王者之氣所通也王今之有是心也動于一物而机括流行遍於衆物之身者已即初動昧此氣具存隱然有萌而必出之端焉王者視疴瘵痿痺之

屬無不暢其幽鬱而各还所命是天下皆王者之意所造也王之
有是心也起于一念而天机活潑貫于衆念之後者已即所触時
此意具在蒸々然有發而必暢之勢焉先說王字起歸在心字上
來直把題中精神命脉一齊發透而沉着痛快一醒塵目視彼在
在枝葉上描寫者蓋天淵矣次二比云人心有所開必有所受而
所開者根于衆物造命之處則所受者亦即受天下衆造之命謂
堂下不忍一念即四方精欲摠會之區可矣人心有所用遂有所
合而所用者流于衆生包孕之處則所合者亦即合天下包孕之
體謂堂下易羊一事即萬民命脉樞紐之地可也開受用合四季
遊世人所不道處創此意見而發揮透徹開合有情真佳作也

謂情新意貴切、而不新便入腐儒窠臼新而不切正如嬰孩說
夢大半成虛莊毓慶講云心溢于一見而不以一見止也顛連無
辜之衆皆可博之以骸鯨之視其竅足以待世之斟酌而不匱于
施觸之堂下為之堂止心術寧有岐焉愛行于一物而不以一物
塞也疾痛呼號之儔皆可置之以死地之生其源足以裕王之施
濟而不壅于流全在一牛保浹四境本体作用寧有異焉句、新
字、切只此便時文之正宗